



ՀԱՍՏԱՏՈՒՄ ԵՄ՝

Շրջակա միջավայրի նախարարի
պարտականությունները կատարող
Արամ Մեյմարյան

«09» 10 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ N 236 - 25

Նախաձեռնող՝

«Էկո կոնցեպտ» ՍՊԸ

ք. Արուսեան, Է. Պետրոսյան 16/1

Գործունեությունը՝

Արուսեան բնակավայրի Է. Պետրոսյան 4/4 հասցեում
բազմաֆունկցիոնալ բնակելի շենքի կառուցում
Կոփայքի մարզ

Առդիր՝ 3 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 236 - 25
« 09 » 10 2025թ.

**Աբովյան համայնքի Աբովյան բնակավայրի Է. Պետրոսյան 4/4 հասցեում
բազմաֆունկցիոնալ բնակելի շենքի կառուցման շրջակա միջավայրի վրա ազդեցության
գնահատման հաշվետվություն**

Նախաձեռնող՝	«Էկո կոնցեպտ» ՍՊԸ
Փաստաթղթի տեսակը՝	Շրջակա միջավայրի վրա ազդեցության գնահատման հաշվետվություն, նախագծային փաստաթուղթ
Գտնվելու վայրը՝	Կոտայքի մարզ, Աբովյան համայնք, Աբովյան բնակավայր

Ներածական մաս. Համաձայն «Էկո կոնցեպտ» ՍՊԸ-ի կողմից ներկայացված շրջակա միջավայրի վրա ազդեցության գնահատման հաշվետվության (այսուհետ՝ Հաշվետվություն) և նախագծային փաստաթղթի՝ Կոտայքի մարզի Աբովյան համայնքի Աբովյան բնակավայրի Է. Պետրոսյան 4/4 հասցեում նախատեսվում է բազմաֆունկցիոնալ բնակելի շենքի կառուցում (այսուհետ՝ Շենք):

Նախատեսվող գործունեությունն իրականացվելու է Աբովյան համայնքի կողմից տրված 2024թ. փետրվարի 22-ի N 111 նախագծման թույլտվության (ճարտարապետահատակագծային առաջադրանք) հիման վրա, անշարժ գույքի գրանցման վկայականով ամրագրված 7313.3 քմ մակերեսով հողամասում՝ (կադաստրային ծածկագիրը՝ 07-002-0121-0017), որի նպատակային նշանակությունը բնակավայրերի է, գործառնական նշանակությունը կամ հողատեսքը՝ բնակելի կառուցապատման, գրանցված իրավունքի տեսակը՝ սեփականություն:

Նախատեսվող գործունեությունը իրականացվում ՀՀ-ում ներդրումային ծրագրի շրջանակներում, որի արդյունքում նախատեսվում է ստեղծել շուրջ 400 աշխատատեղ:

«Շրջակա միջավայրի վրա ազդեցության գնահատման և փորձաքննության մասին» օրենքի /այսուհետ՝ Օրենք/ 12-րդ հոդվածի 4-րդ մասի 8-րդ կետի՝ նախատեսվող գործունեությունը փորձաքննության է ենթարկվում որպես Բ կատեգորիայի գործունեության տեսակ:

Նկարագրական մաս. Աշխարհագրական տեսակետից տարածքը տեղադրված է ՀՀ Կոտայքի մարզի Աբովյան համայնքի Աբովյան բնակավայրի Է. Պետրոսյան 4/4 հասցեի հողամասում: Տարածքը կառուցապատված չէ: Տարածքում առկա է կիսաքանդ լողավազան, որը կապամոնտաժվի հողային աշխատանքների ընթացքում: Հարևանությամբ գտնվում են բնակելի տներ, հողամասեր և տարածքներ, մոտակա շինությունը գտնվում է շենքից 28 մ հեռավորության վրա: Հողամասն ունի փոքր ինչ թեքություն՝ արևելքից արևմուտք 1% թեքությամբ (գեոդեզիական նիշերը տատանվում են 1402.25-1404մ):

Հիդրոերկրաբանական ուղեգծով գրունտային ջրի մակարդակը տարբեր տարիներին ուսումնասիրված նյութերի հիման վրա 50 մ խորություններում բացակայում է: Համաձայն

կատարված և ներկայացված ուսումնասիրությունների՝ հորատման և արխիվային նյութերի տվյալների՝ ուսումնասիրվող տեղամասի երկրաբանական կառուցվածքում մասնակցում են՝ լիցքերը, խճավազը կավավազային լցիչով, խճային, խճավազային գրունտը (խարամներ) ավազային լցիչով, բազալտի բեկորները, բազալտը արմատական տեղադրմամբ: Ֆիզիկաերկրաբանական վտանգավոր երևույթները, ինչպիսիք են կարստը, սողանքը, քարաթափությունը, փլուզումը, ճահճացումը, որոնք կարող են բացասական ազդեցություն ունենալ ուսումնասիրվող տեղամասում՝ նախագծվող կառույցի վրա, բացակայում են:

Համաձայն ինժեներա երկրաբանական հետազոտությունների եզրակացության՝ ինժեներաերկրաբանական տեսակետից հետազննվող հողամասը շինարարություն կատարելու համար բարենպաստ է:

Նախատեսվող գործունեությունն իրենից ներկայացնում է ժամանակակից լուծումներով և նյութերով իրականացվող շինություն:

Համալիրի տեխնիկա-տնտեսական ցուցանիշներ են.

- ✓ հողամասի ընդհանուր մակերես – 7313.3 քմ,
- ✓ կառուցապատման մակերես – 2025.5 քմ,
- ✓ կանաչապատման մակերես – 2970 քմ,
- ✓ ճանապարհ, մայթ և այլո – 2317.8 քմ;
- ✓ ստորգետնյա առաջին հարկի կառուցապատման մակերես – 3577.3 քմ;
- ✓ ստորգետնյա երկրորդ հարկի կառուցապատման մակերես – 3577.3 քմ,
- ✓ բնակարանների ընդհանուր թիվը – 360 բնակարան,
- ✓ ստորգետնյա ավտոկայանատեղ – 162:

Համաձայն նախագծային փաստաթղթի՝ նախատեսվում է կառուցել 82.1×33.3 մ չափերի չորս մուտքանի բազմաբնակարան բնակելի շենք: Յուրաքանչյուր մուտքում նախատեսված է մեկ աստիճանավանդակ (աստիճանավանդակի դռները հակահրդեհային են և ինքնափակվող) և երկու վերելակ: Վերգետնյա հատվածի (+0.00 նիշ) կառուցապատման մակերեսը կազմում է 2025.5 քմ, որը հողատարածքի 27.7%-ն է: Տարածքի մնացած հատվածում նախատեսվում է ճանապարհ և ընդարձակ բակային տարածք կանաչապատ գոտիով և բարեկարգմամբ: Շենքը նախագծված է 2 նկուղային հարկերով: -1 հարկում կազմակերպված է ավտոկայանատեղի՝ 70 մեքենայի համար, մակերեսը՝ 3577.3 քմ: Ընդհանուր նախատեսվում է 162 ավտոկայանատեղի: Առաջին հարկում (0.00 նշ) նախատեսվում է հասարակական տարածք, որի մակերեսը կազմում է 2025.5 մ²: -2 հարկում կազմակերպված է ավտոկայանատեղի՝ 92 մեքենայի համար: Հարկն ունի երկակի նշանակություն՝ որպես ավտոկանգառ և անհրաժեշտության դեպքում որպես պարզագույն թաքստոց շուրջ 1500–1800 մարդու համար: Արտաքին չափերով մակերեսը կազմում է 3577.3 քմ: Բնակելի տիպային հարկերում (2-րդից մինչև 16-րդ) բնակարանների թիվը 24 է, իսկ ամբողջ շենքում՝ 360: յուրաքանչյուր տիպային հարկի արտաքին մակերեսը 2300.2 քմ է, իսկ օգտակար մակերեսը՝ 1605.4 քմ:

Տանիքը հարթ է, անձրևաջրերի և հալոցքների հեռացումը նախատեսված է իրականացնել շենքի ներսում տեղադրված ջրահորդանների միջոցով:

Շահագործման ընթացքում նախատեսվում է օդային ավազանի, հողային և ջրային ռեսուրսների աղտոտումից, բուսական և կենդանական աշխարհի պատկանող թափոնների կառավարման, աղմուկի մակարդակի, արտակարգ իրավիճակների դեպքում նվազեցմանն ուղղված բնապահպանական միջոցառումների և մոնիթորինգի իրականացում:

Պատճառաբանական մաս.

Գնահատման և փորձաքննության փուլերում, օրենսդրությամբ սահմանված կառույց, Արուսյան համայնքի ղեկավարի նստավայրում իրականացվել է 2 (երկու) հանրային խումբ: Նախատեսվող գործունեության իրականացումը հանրային լսման մասնակիցների կողմից

արժանացել է հավանության: Լսման ընթացքում բարձրացվել է հարց՝ շենքերի հարկայնության և վերջինիս հիմնադրությանին փաստաթղթին համապատասխանության վերաբերյալ:

Նախատեսվող գործունեության փորձաքննությունն իրականացվել է գործող օրենսդրության փաստաթղթերի պահանջներին համապատասխան: Փորձաքննական գործընթացին մասնակցել են առողջապահության, ներքին գործերի, կրթության, գիտության, մշակույթի և սպորտի նախարարությունները, կադաստրի կոմիտեն, Քաղաքաշինության կոմիտեն, Կոտայքի մարզպետարանը, Արուսյանի համայնքապետարանը, շրջակա միջավայրի նախարարության ստորաբաժանումները, որոնց առաջարկությունները և դիտողությունները ևս հաշվի են առնվել փորձաքննական գործընթացում և եզրակացությունը կազմելիս: Քաղաքաշինության կոմիտեի կողմից ներկայացվել է կարծիք համաձայն որի՝ Կոտայքի մարզպետի 2024 թվականի սեպտեմբերի 4-ի N349-Լ որոշմամբ և Արուսյան համայնքի ավագանու 2024 թվականի օգոստոսի 13-ի N111-Ն որոշմամբ հաստատված ՀՀ Կոտայքի մարզպետի Կոտայք-2 միկրոռեգիոնալ մակարդակի համակցված տարածական պլանավորման փաստաթղթերի՝ քննարկվող հողամասը գտնվում է ԲՆԿԳ-3 կառուցապատման գոտում, համաձայն որի՝ նախատեսված է 4-5 վերգետնյա հարկ (նկուղային հարկի և ձեղնահարկի հնարավորություն), 6-9 վերգետնյա հարկ (նկուղային հարկի հնարավորություն), և անհրաժեշտ է համարվել նախատեսվող շինության հարկայնության վերանայումը:

Հարկ է նշել, որ Կոտայքի մարզի Արուսյան համայնքի Արուսյան բնակավայրի Է. Պետրոսյան 4/4 հասցեում նախատեսվող բազմաֆունկցիոնալ բնակելի շենքի կառուցումը չի բխում «Շրջակա միջավայրի վրա ազդեցության գնահատման և փորձաքննության մասին» օրենքի 15-րդ հոդվածի 2-րդ մասի 8-րդ կետի պահանջի՝ «հաստատված հիմնադրությային փաստաթղթերին նախագծային փաստաթղթով նախատեսվող գործունեության համապատասխանության հիմնավորումները» կատարումից:

Ելնելով վերը նշված հիմնավորումներից՝ վերանայված նախագիծը ՇՄԱԳ հաշվետվությամբ ներկայացնել շրջակա միջավայրի նախարարության շրջակա միջավայրի վրա ազդեցության փորձաքննության՝ շրջակա միջավայրի վրա ազդեցության դրական եզրակացություն ստանալու համար:

ԵԶՐԱՓԱԿԻՉ ՄԱՍ

Հիմք ընդունելով վերը նշված պատճառաբանական մասը՝ «Էկո կոնցեպտ» ՍՊԸ-ի կողմից ներկայացված՝ Կոտայքի մարզի Արուսյան համայնքի Արուսյան բնակավայրի Է. Պետրոսյան 4/4 հասցեում նախատեսվող բազմաֆունկցիոնալ բնակելի շենքի կառուցման՝ շրջակա միջավայրի վրա ազդեցության գնահատման հաշվետվությանը տրվում է պետական փորձաքննական բացասական եզրակացություն:

«Շրջակա միջավայրի վրա ազդեցության
փորձաքննական կենտրոն»

ՊՈԱԿ-ի տնօրենի պարտականությունները կատարող  Զորիքնազ Մկրտչյան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
առաջատար մասնագետ՝



Աստղիկ Վարդանյան